

1915

№ 1

№ 1

11 იანვარი, 1915 წ.

მიმღებთ ჩემი მოწერა
შეზღოვებული
წლიური ფასი

≡ 5 მან. ≡



უძველესი კვირეული საზოგადო-მკონო-

ცალკე ნომერი 10 კაპ.

ვიური და სალიტერატურო ჟურნალი

რედაქცია ღიაა 9-3 საათამდე.

ფელიწალი გეოტხე

მისამართი: თბილისი, Габасвский пер. № 3 რედაქცია „კლდე“. დეპუტისა: თბილისი კლდე.

- 1) ნაციონალიზმი, ინტერნაციონალიზმი და კოსმოპოლიტიკა. — რ. გ — ეხი.
- 2) ჩვენს სოციალურ მოძრაობაში საკითხი. — ქართლელი.
- 3) შობა დამკს. — ეკ. გაბაშვილისა.
- 4) მშვიდობიანობა. — დუქსი ი. მჭედლიშვილისა.
- 5) მატარებელი ფელეტონი. — ნაცარასი.
- 6) ქრისტიანობა.
- 7) ერთი მოწერილობის გამო. — თ — ელისა.
- 8) მასხვად „კავკ. სდოვოს“.
- 9) მუშურეთა გასაჭირი. — X — ისა.
- 10) ქართული ეროვნული ჩამოყალიბება. — ვინმე სოფელი.
- 11) ძველი თქმულება. — ან-ბანისა.
- 12) „პრძეული ქალი“. — დიოგენისა.

F652 ს ა რ მ ვ ი:

ნაციონალიზმი, ინტერნაციონალიზმი და კოსმოპოლიტიკა.

უკანასკნელ დროს ქართულ პრესაში კიდევ აღიძრა საკითხი ნაციონალიზმის და ინტერნაციონალიზმის ურთიერთობაზე და ისევ ისეთსავე უცნაურს შეხედულებას ვაიგონებთ, როგორც ამ ათის წლის განთავლობაში; თითქო ცხოვრებაც და მისი დიდი მოვლენებიც ჩვენს პრესაზე ვაფლენას არ ახდენენ. ერთის მხრით ეს სავალალოა, რადგან პრესა ცხოვრების სარკეს უნდა წარმოადგენდეს და მასთანადავე მისი ცვალებადობის ანარეკლს ნათლად ვეჩვენებდეს და მეორე მხრით — სასიხარულოც არის, რადგან ამტკიცებს ჩვენი პრესის სიფაქიზეს და რწმენის სიწმინდეს, რომელიც ისე ადვილად არ იცვლება ხოლმე, თუნდა თვით ცხოვრების ფაქტორებიც შეიცვალნენ.

მელიც სწარმოებს „სახალხო ფურცლის“ და „ახალი აზრის“ თანამშრომელთა შორის. „სახალხო ფურცელი“; რომელიც უარპყოფს თავის ოფიციალობას ს. ფედერალისტთა მიმართულებებისას; დიპარაკობს გ. ქიქოძის პირით და „ინტერნაციონალის დამსხვრევას“ აღიარებს ეროვნული იდეის წინაშე; „ახალი აზრი“ ოფიციალურად იცავს ინტერნაციონალის და ჰგმობს ნაციონალისტებს, თუმცა მისი თანამშრომელნი შესამჩნევად იბრებიან ეროვნული საკითხის საბოლოო და სამართლიან გადაჭრისაკენ.

რა არის მიზეზი ესეთის არეგ-დარევისა და სადაა ის ეროვნული ხაზი, რომლის შეუშინელობა დღემდის იფერებდა ჩვენს წინმსვლელობას და აწიწავებდა პარტიათა ურთი-ერთობას?

ამ მხრავ კურადღების ღირხია ის კამათი, რო-



ამის მიზეზი ბევრია, რასაკვირველია, როგორც ზერელე და ხელოვნური, ისე პრინციპიალური და ძირითადი; უკანასკნელთა რიცხვი იმდენად მცირეა, რომ თითქმის უარყოფამდე შეიძლება მათი ჩამოყვანა.

საერთაშორისო ასპარეზზედ ვანოსული სოციალ-დემოკრატია, უმთავრესად ეკუთვნის ისეთ დიდ ერებს, როგორც არის გერმანია, რუსეთი და სხ. იგი ძალაუნებურად ანვითარებს თავის ფარგლებში ისეთს შეხედულებას, რომელიც შეეგუება დიდს სახელმწიფოს, დიდს ერს, რომელსაც საფრთხე არა მოელოს რა და მაშასადამე მის არსებობაზე, ე. ი. მის ეროვნულ არსზედ აერიშის მიტანა შეუძლებლობას წარმოადგენს. დიდი ერის დემოკრატიულ ნაწილს ჩვეულებრივ დროს თითქმის ეკარგება ეროვნული ალლოც კი, რადგან ეს მხარე სრულიად უზრუნველყოფილია და აი სწორედ ამ დროს იღვიძებს ნამეტანის სიმწვავეთ კლასთა ბრძოლა, როგორც გამომხატველი სოციალური უსამართლობისა. სოციალური უსამართლობა თითქმის ყველგან ერთგვარია და რაღა თქმა უნდა ერთგვარი კლასები სხვა და სხვა ერისა, პროგრესიული იქნება იგი თუ რეაქციონური, — ერთმანეთს ხელს უწყვიან საერთო მტერთან საბრძოლველად.

ასეთ დროს, როდესაც დიდი ერები ვართულები არიან დიდ სოციალურ საკითხებში და მათი შინაგანი ბრძოლა იღებს ბევრჯელ უმწვერვალესობამდე მისულ ხასიათს, რაღა თქმა უნდა, იჩრდილება პატარა ერების რაღაც პატარა, ეროვნული ტანჯვა-ვაებანი; მათს ხმას, რაღაც დისონანსიც კი შეაქვს დიდს სოციალურ კონცერტებში და დიდი ერის მოციქულნი ამ ეროვნულ ხმებში ხედავენ ბოროტებასაც კი, არქმევენ სასტიკ სახელებს და სცდილობენ ჩააჩუმონ ისინი, ვინაიდან მცირეარი საკითხები გადაუწყვეტელია ჯერა. მოიგონეთ რუსეთის სოციალ-დემოკრატია, რომელიც შოვინიზმად, ნაციონალისტებად და თითქმის შავრაზმელებადაც, სახავდა მაგ. „ბუნდის“ გამოსვლას და ქარაველ სოციალ-დემოკრატებს ხომ პირდაპირ აუკრძალა ეროვნულ საკითხზედ ხმის ამოდებაც. ასევე იქცევა გერმანიის სოციალ-დემოკრატია, რომლის ძალასა წინაშე, ყოველი ეროვნული მოთხოვნებიანი — უნდა უკანა რიგში ჩამდგარიყვნენ.

სულ სხვა სურათსა ვხედავთ ისეთ სახელმწიფოებში, საცა ერები ბევრიცაა და ძალასაც წარმოადგენენ; მაგალითად ავსტრო-უნგრეთში, საცა

თავდაპირველად თვით სოც.-დემ. სწყვეტენ საბოლოოდ ეროვნულ საკითხს.

ცალკე პატარა ერთა შეხედულება, სახელმწიფოებრივი არიან იგინი თუ არა სახელმწიფოებრივი, ეკარგება საერთო ძალთა განწყობილებაში, შეეხება საკითხი სოციალურ თუ სხვა წინაშე თითქმის თობას.

ასეთ ჩვეულებრივ, შვიდობიან დროს, ვითარდებათ მაშასადამე ისეთი ძალები, რომელნიც თითქო სპობენ ეროვნულ საკითხს, რადგან დიდი ერების ეროვნული საკითხი უზრუნველყოფილია და პატარა ერები საინტერესო ძალას არ წარმოადგენენ. ე. ი. სოციალური კლასები და ნამეტნავად სოც. დემოკრატია ითვისებს რეალურად სახელმწიფოებრივ შეხედულებას, თუმცა თეორიაში თითქო ეწინააღმდეგება კიდევ და ყველა ერისათვის თანასწორობას მოითხოვს. ასეთ ჩვეულებრივ დროს თითქო მიყუჩდება ხოლმე ეროვნული ბრძოლა, რადგან მთავარი ძალები — დიდი ერები — სდუმან და მცირედნი — რას გააწყობენ. ასეთ დროს ეკარგება შემეცნება ინტერნაციონალიზმისაც, ე. ი. ერთა ურთიერთობისა და ფებს იკიცხებს კოსმოპოლიტიზმი, ანუ მსოფლიოს მოქალაქეობა. ის იდეები ერთა სოლიდარობისა, რომელნიც იბადებიან ერთა ცალკე განმტკიცების პროცესის დროს, თანდათან გადადიან კოსმოპოლიტიზმში, როდესაც ერები თავის სახე, განმტკიცებენ და არსაიდან საფრთხე აღარ მოელოთ. ამ დროს ინტერნაციონალისტები უახლოვდებიან კოსმოპოლიტებს.

მაგრამ ჩვეულებრივი მსვლელობა ცხოვრებისა შეიცვლება თუ არა, შეიცვლება თუ არა ის პირობანი, რომელნიც ხელს უწყობდნენ ეროვნულ გრძნობათა და იდეათა მიძინებას — თითქო შართლაც კატასტროფა ხდება და ეროვნება, ერის სახე, თითქმის პირველყოფილ ფორმებს იღებს და განმტკიცებას თხოულობს.

რაღა თქმა უნდა დღევანდელი დიადი ომი ყველაზედ არა ჩვეულებრივი მოვლენაა, რომელიც ემუქრება სწორედ ეროვნულ არსებობას და ჩვენც ვხედავთ რომ ყოველი ერის შვილი, დიდისა თუ პატარასი, ჰგრძნობს ახლა ამ ეროვნულ საფრთხეს და მასში ნამეტანის სიძლიერით გამოიღვიძა ეროვნულმა გრძნობამაც და შემეცნებამაც. ეს იმას კი არა ნიშნავს, რომ ინტერნაციონალი, ე. ი. ერთა სოლიდარობის პრინციპი დაირღვა და შეილახა. პირიქით, ეს უაღრესად ხაზს უსვამს იმ გარემოებას, რომ ერთა სოლიდარობა იქნა შესაძლებელი, საცა

ერნი არსებობენ. დღევანდელი ომი ემუქრება თვით ერის არსებობას და გასაკვირველი არ არის, რომ გედი და სემბა ერთის მხრით და ლიბკნეხტი და ფრანკი მეორე მხრით—მოსისხლე მტრებსავე ერთმანეთს თოფს ესვრიან. ვანდერველდე, ერვე და სხვანი, მათი პარტიების მთელი შემადგენლობით მოწინააღმდეგეთა ბანაკში არიან არა იმიტომ, რომ ამით ღალატობენ ინტერნაციონალის იდეას, არამედ ისინი ამ იდეას განამტკიცებენ თვით ნაციების ფარგლებში. დაიმსხვრა მხოლოდ კოსმო-პოლიტიზმის იდეა, რომელიც დაფუძნებულია ბელოჯურ და მხოლოდ მოფიქრებულ აზრებზე.

დიდი ერების ეროვნულ გრძნობათა და იდეათა გაზოღვიძებას, რასაკვირველია მოჰყვა პატარა ერების გრძნობა იდეათა გადახლისებაც, რადგან საფრთხე. რომელიც პატარა ერებს ელოდა მშვიდობიან დროსაც კი მტრისაგან (ე. ი. დიდი ერებს რეაქციისაგან) და მოყვარისაგანაც (ე. ი. დიდი ერის დემოკრატიისაგან)—დღეს გაათკეცდა და მეტად საშიში გახდა.

პატარა ერებმა ნამეტნავად შეიგნეს ძალა შინაგანი ერთობისა და დღეს ყველგან საბოლოოდ მიმწყდარია დავა კლასობრივ, წოდებრივი და სხ., რაც ჩვეულებრივ დროს ცხოვრებას ხან შხამავს და ხან სიცოცხლესაც აძლევს. მაგრამ ეს მოსპობა დავისა სულაც არ ნიშნავს მოსპობას ამ დავის მიზეზებისას და როდესაც ქარიშხალი გადივლის, უეჭველია ისევ წარმოსდგებიან თავისი სიმწვაფით; ეგებ უფროც გამწვავებულნი.

პატარა ერებმა მეტად სიფრთხილით უნდა ასწონ-დასწონონ თავიანთი ნაბიჯები, რომ აქლემთხუბის დროს კოხაკებივით არ გაიქცლინენ. ამიტომ არის, რომ ბულგარეთი, რუმინია, საბერძნეთი და სხ. მეტად ყოყმანობენ და ვერ ერევნიან ომში, თუმცა გული ერჩით და კბილები უკაწკაწებთ ეროვნული გაღონიერებისათვის.

რადა თქმა არის საჭირო რომ ყველა აქედან ჩვენი დასვენაც მარტივდება:

ჩვენც, როგორც ვრი, უნდა გავერთიანდეთ ასეთი გასაჭირის დროს, უნდა მივივიწყოთ კლასობრივი, წოდებრივი, პარტიული უთანხმოებანი — ეროვნების იდეის განმტკიცების წინაშე, რომ შემდეგში, როდესაც კაცობრიობა და შოშმინდება ომისაგანდა ყოველი ვრი თავისი საკუთარი სახით შევა ინტერნაციონალურ ძმობაში,—ჩვენც ჩვენი საკუთარი სახე გვქონდეს და ძმებთან ძმობის გაწევა შეგვეძლოს. ჩვენ შინაგან უთანხმოებათ, რომელნიც არიან და

ყველავაც იქნებიან—ჩვენვე მოვაგვარებთ იმ ბუნებრივ და ადამიანურ კანონების მიხედვით, რომელიც ყველა ერის ფარგლებში იმოქმედებს. მშვიდობიანობა და კაცთ-მოყვარეობა მხოლოდ მაშინ შეიძლება დამყარდეს ქვეყანაზედ, რომელშიც მოსპობა ჩაგრვა არა მარტო კლასობრივი და მატერიალური, არამედ ეროვნული და ზნეობრივიც. ინტერნაციონალის განმტკიცებაც სწორედ მოსპობაა ყოველგვარი ჩაგვრისა და სცდებიან ისინი, ვისაც ჰგონია რომ თუნდ მსოფლიო ომს შეეძლოს მოსპობა მისი ინტერნაციონალი ერთად-ერთი ბუნებრივი და ჰემ-მარტივი იდეა არის და არავითარ 42 სანტიმეტრიან ზარბაზნებს მისი დანგრევა არ შეუძლიან. გედი და ლიბკნეხტი დღეს სიშტებით იგერიებენ ერთმანეთს, მაგრამ ხვალ, როდესაც მათი ერები უზრუნველყოფილი იქნებიან სისკვდილისაგან, ისინი მეგობრულად ხელს გაუწვდიან და ერთს კრებაზედ — ჰააგაში იქნება იგი თუ ბრიუსელში წინანდებურად ხმა მალა იტყვიან: გაუშარჯოს ინტერნაციონალს, ნაციონალის სოლიდარობას. ომის წინა და უკანა საერთო კრებები იმით განსხვავდებიან მხოლოდ, რომ მომავალ კრებაზედ ყველა პატარა ერსაც უფლება ექნება თამამად შეუერთოს თავისი ხმაც საერთო კონცერტს.

რ. გ.

ჩვენ საუნჯეთა მორიგი საკითხი.

აა წამს საშინელების ქარიშხალმა დაჰბერა ჩვენს მიწა-წყალზე, ქართველ ერს მორიგ საკითხად გარდაექცა გახიზნა, თავის შველა და საეკლესიო ნივთების დაფარვა. დამფრთხალი ხალხი არა თუ მაშინ მირბოდა, დღესაც კი სოფელ-დაბებში პანიკა ძალაში არის. ჩვენი პროვინციის კორესპონდენტები ამაოდ ჰგმობენ ამ საქციელს, ამაოდ მოუწოდებენ ხალხს დამშვიდებისა და კეთილგონიერებისადმი. თვით ადმინისტრაციაც კი უძღურია შეაყენოს და როგორმე უწამლოს ამ დასაგმობ საქმეს. მაგრამ ამ ჟამად ამ საკითხის გარკვევა კი არ მაინტერესებს, არამედ უფრო დიდმნიშვნელოვანი საკითხი, რომელიც შეეხება ჩვენს საეკლესიო მუზეუმს და წმინდა ნივთების გადატანას. ჩვენ ვიცით რომ მთავრობამ წინადადება მისცა ჩვენს შესვეურთ ეს ნივთები გადაეტანათ მოსკოვში, რათა სრულიად და-

ლუპვისაგან ეხსნათ იგი. ეს კი იმას ნიშნავს. რომ მთელი ჩვენი ძვირფასი საეკლესიო მუზეუმი, დაუფასებელი ხელთნაწერები და ისეთი ნივთები, როგორც გელათშია ან სხვა მონასტრებში მოგვევინა, ავიღოთ და გადავხიდოთ შიდა რუსეთში. მაგრამ რა პასუხს ვაძლევთ თვით ხალხს, რომელიც ყველა ამას მთელ საუკუნოებით სდარაჯობდა და თავის თვალის გუგასავით ინახავდა? რა პასუხს ვაძლევთ ქართველ ხალხს, ვინც ეს ნივთები თავის სალოცავ ჯვარ-ხატად აღიარა? რა პასუხს ვაძლევთ ქართველ ხალხს, რომელიც სწორედ ამ ნივთებით მსასობებს, სწორედ ეს ნივთები მიაჩნია თავის მკველფარად? თუ მოაშორებთ მას ყველა ამას, იგი უსაფანოდ რჩება. ეს იგივე იქმნება, რომ შემოძარს ომის დროს ფარი ხელიდან გამოსტაცოთ. ათასი წლები მიჰქრიათ რაც ქართველი ხალხი იცავდა მას და იცავს კიდევ: ათასი წლის ქარტახილმა ვერ შესძლო ამ სიწმიდეთა განადგურება და ნუ თუ დღეს, როდესაც ქართველი ერი არა მარტო საკუთარ თავის ანაბარად არის, არამედ ისეთ მფარველის ქვეშ, როგორც რუსეთია და რუსის მხედრობა, იმდენად წახდება, რომ ამ სიწმიდეთა დაფარვას თავისუბნეში ვერ მოახერხებს? არა, ქართველ ერს რაც შეუქმნია, რაც თავისი შემონაქმედი თავის სალოცავად და მსხნელ ფარად დაუსახნია, დღესაც მის ფარ-შუბად უნდა დარჩეს, მითი ისუნთქოს, მითივე მსასობდეს **საბოლოო გამარჯვებისას!** დაე, ეს აღთქმის კიდობანი მასთან ერთად დისცურავდეს ქირსა და ღბინში და თუ დალუბვა ელის ქართველ ერს, თუ ბედს საბოლოოდ ხელი მოუწერნია მისი არსებობის მოსასპობლად, მაშინ დაიღუბოს მისი სალოცავებიც: მეტად ძვირფასი რამ არის მორწმუნეთათვის თავისი სალოცავის ნანგრევთა შორის დასაფლავება! ქართველი ერიც ერთი ასეთი მორწმუნეთაგანია. მისმა მარჯვენამ შესძლო ამ სიწმიდის არა თუ აგება, დაცვა, მაშასადამე შესძლებს ბოლომდე მის დაფარვასაც. საქართველოს საუნჯე საქართველოშივე დარჩება და მის მფარველად ისევ გაერთიანებულ საქართველოს გული იქმნება, ვიდრე მისი ცემა არ შესწყდება სამარადისოდ...

ქართლელი.

შობა დაძეს.

აფრასიონ წიკიაური მთის შვილი იყო, სთაში აღზდილი და დაფაქვაცებული; ბარში თითქმის არ ყოფილა, როდესაც ამ ხატულს მოულოდნელად ომში ვაიწვიეს.

ოცდა ერთს ქრისტეშობისთვის საროყაში შთან პირველად მიიღო მონაწილეობა ოსმალებთან ბრძოლაში და მძიმე დაიჭრა და სხვა დაჭრილებთან ერთად ქალაქს ჩამოიყვანეს.

სიციცილისა ამას აღარა შეეძლო დასწავლა. მხოლოდ გული უცემდა სუსტად და მარჯვენა ხელი უთრთოდა შეუყენებლივ.

ლაზარეთში საკაცით მიასვენეს და იქ, როგორც გამხადებული უფლისა წინაშე წარსადგომად, ცალკე ოთახში მოათავსეს და მანამ სული იმისი სრულიად გვეყრებოდა ხორცსა, მკველად ყმაწვილი, ჯერედ სრულიად გამოუცდელი დაი სათნოებისა დაუყენეს.

— გახსოვდეთ, დამო, უთხრა ექიმმა, რომ თქვენ გაბარიათ დავრდომილი ავადმყოფი და სურია მახვილსა გქონდეთ, თუმცა ავადმყოფი უიშველია თითქმის მაგრამ ხომ ხედავთ ამის გოლიათ სხეულს და რკინასავით მაგრად ჩამოსხმულ კუნთებს, შესაძლებელია შეგებრძოლოს სიკვდილს და გონს მოვიდეს, მოითხოვოს რამე, ან გაგანდოთ რამ და ყოველივე დაუბრკოლებლივ აუსრულეთ და დაიხსომეთ. და თუ გული ამისი შეჩერდეს, მარჯვენა ხელი გაშეშდეს, მაშინვე ექიმს აცნობეთ.

— ძლიერ კარგი, ბატონო, მოწიწებით მიუგო ყმაწვილმა ქალმა და გულის ფანქსალით უკან ჩამოდგა.

— ჰო! დააუმატა ექიმმა გასულის დროს— და მავიწყდა მეთქვა თქვენთვის, რომ დღეს ლაზარეთში მსუბუქ დაჭრილთათვის „შობის ხია“ გამართული დიდ დარბაზში და სურამა არ წაგძლიოთ და ავადმყოფს თავი არ დაანებოთ სანახაობისათვის. ათ საათზედ დღესასწაული გათავდება და ფერწალი, რომელიც ეხლა შობის ბის სამზადისშია, მოვა აქ და თქვენ გაგანთავისუფლებთ. მანამ კი დარაჯი ხართ და ფეხი არ მოიცივალოთ. ხომ გესმით თქვენი მოვალეობა?

ოთახში ბუხარი ენთო და ცეცხლის შუქი და მწვანე ქალად-ჩამოფარებული ლამაზა ოდნავ ანათებდა შეწუხებულის სარეცელს.

დაი სათნოებისა თვალს არიდებდა ლურჯად და მწვანედ განათებულ მომაკვდავის სახეს, სკდილობდა სხვა საგანზედ გადაეტანა თავისი ფიქრები და მხედველობის ისარი, მაგრამ ოთახი სრულიად ცარიელი იყო და გარშემო საშინელი სიჩუმე სუფევდა და სულთმობრძავი ულმოებულად იზიდავდა ქალის ყურადღებას. შიშის ზარი თანდათან უძლიერდებოდა და მალე ჯოჯოხეთურ სატახტველად გადაექცა.

— ღმერთო ჩემო, იესო მაცხოვარო, ეს რა განსაცდელი მომივლინე... როგორ უნდა გავატარო მთელი საღამო... გული შიშობის. ძარღვები მაწყდება. ვიცი რომ ავადმყოფი არას მავნებს, მაგრამ... მაგრამ კრიკა შევკრის... კრუმორწმუნოებთა, სიძულვე ჩემი — და თვალეზედ ხელებ მიფარებული ქალი, თითქმის გონება დაკარგული თანჯრის შუშას მივერდნო.

„აინთვ ცეცხლით გული და მტერს დაეცი შედგრად, ან ვით შეილი ერთგული სამულს დაეცი მსხვერპლად“.

უცებ მოისმა გაყუჩებულ ოთახში მშვენიერი ნარნარი ხმა მომღერალის ქალისა ჩონგურის ტკბილის წკრილოთან ხმა შეწყობილი.

— ეს რა მესმის? სამოთხე განიხსნა, თუ მომეჩვენა რამ, გაოცებით წაიტუტუნა სასომიხდილმა ქალმა და თვალეზ გაჭყეტილი, ხელებ გაპყრობილი სმენად გადაიქცა.

„ნუგეშ იცემს დედაი, რომ კაცი კაცადა კვდება“ — გრძელდებოდა იადონის ხმა, ქავქავადის უკვდავი სიტყვები.

— ოჰ, ოჰ! მძიმეთ ამოისუნთქა დაჭრილმა და თვალეზი ოდნავ გაახილა. — ნანაა?

— ვინ ამბობს.... ანგელოზი...

— ვაიმე, ვაიმე! უცებ შესწივლა ამ მოულოდ-

ნელის მკვდრეთით აღდგომით ხარდაციმულმა მომვლელმა და კარში გავარდა.



გონს მოსულ აფრასიონს ახლა სავა საკვირველება წარმოუდგა თვალწინ: დიპსიკსის მორს სადღაც გაჩაღებულ სივრცეში მოსხანდა ნაძვის ხე, ის ნაძვის ხე, რომელსაც ეს კარგად იცნობდა თავის მთაში, მაგრამ... ღმერთო ჩემო, რა რიგ იყო გაბრწყინვალებული ოქროს და ვერცხლის სამკაულით, უჩიკბის სათლგებით გაჩირადლებული! მაგრამ საკვირველს მთის შეილისას აორკეცებდა იქიდანვე მომდინარე მარმონით სავაე აღფრთოვანებული სიმღერა და ხელსაცხებელივით დამატკობელი საოცნებო მუსიკა მომზობლავი ყველას ამას ხედავდა გონს მოსული აფრასიონ და ნათლად კი ვერ წარმოედგინა თუ სად იყო, ან რა იყო იმის გარშემო.

— ზეცაში ვარ? ზეცაში! ჯოჯობეთიღგან ზეცას მიველ?... თოფი... ზარბაზანი... სისხლი... სიკვდილი... მეც ხომ მოვეკვდი? თავი გამისკდა... სამოთხეში წავიდა ჩემი სული?... სამოთხეში! რა კარგია! თბილა, ბუნარში ცეცხლი ანთია... ანგელოზნი გადობენ, ნაძვს ვარსკვლავები ახსია... ცათ მივალ... მივალ... და ღონე მიხდილ აფრასიონს ტკბილად მიეძინა.

ეკ. გაბაშვილისა.

ს ი მ შ ვ ი დ ე

მისწვდა სრულიად ხმა ზარბაზნისა,
 სიკვდილის სმენას რომ აამებდა
 და მდუმარებამ სულ მიითვისა,
 რაც შურს და მტრობას ნოუწოდებდა.
 ერთმანეთისა ხელით მოკლულნი
 მიწაზედ უხვად მიწობნეულან,
 ხოლო იმ მოკლულ მებრძოლთა სულნი
 ცაში იშებრვით გადახვეულან.
 სძინავს სიცოცხლის უკვდავ შემკოდეთ
 და სიწყნარეა ისეთი ცაზე,
 თითქო ანგელოზთ ჩასძინებოდეთ,
 როგორაც ბავშვებს დედის ტკბილ ხმაზე.
 არც კენესა, აღარც სუნთქვა სიცოცხლის—
 სიმშვიდე სუფევს დაურღვეველი,
 ხოლო ხმაურობს მდინარე სისხლის
 და მზეზე ბრწყინავს ცრემლთა ზღვა ვრცელი...

ი. მკედლიშვილი.



პატარა ფელეტონი

(ხლაპარი გაგონილი აფხაზეთის მთებში).

ერთ ქვეყანაში მზე სამს წელიწადს მხოლოდ ერთხელ ამოდის. დანარჩენ დროს სულ ბნელია.

მერე ისიც იმიტომ ამოდის, რომ ბნელით მოკულ ქვეყანას ამოერჩია თავისი მეფე ამ სიბნელესთან საბრძოლველად.

საუკუნე საუკუნეს ეკეცებოდა, ხალხი ყოველ სამს წელს ირჩევდა მეფეს, მაგრამ სიბნელეს ვერაინ პფანტავდა. ზოგი ებრძოდა ერთის საშუალებით, ზოგი მეორეთი, მაგრამ... ხალხი ყოველი ახალი არჩევანის შემდეგ სინანულით იგონებდა გადაყენებულს მეფეს: ის უკეთესი იყო.

მაგრამ ერთს წელიწადს, როდესაც მაისის დღისას ხალხი შეიკრიბა მეფის ამოსარჩევად: — იმ დღეს უნდა ამოსულიყო მზეცა — რიქრაქზედ ხალხმა თვალის შეასწრო ახოვან ვაჟკაცსა, თავით-უეხამდე იარაღ ასხმულსა, რომელსაც მხრებს უმწვენებდნენ „ოქრომკედლიანი“ ლაღნი და თვალნი, შუბლზედ კი დიდი აღმასი ნაპერწყლებს აფრქვევდა და ამომავალ მზის სხივებს აციმციმებდა.

— ეს არის, ესა! თვით რაინდსა ჰგავს მზისასა! — შეაძახა ხალხმა და მუხლ-მოდრეკით შეევედრა ვაჟკაცსა: იყავნ უფალო ჩვენსა მეფეთა, რამეთუ შუბლზედანი გიწერია განფანტვა სიბნელისა.

ვაჟკაცი დასთანხმდა, ველარ გაუძლო რხოვნას დაერდომილთა და კვერთხი აღიღო მეფისა ხელითა თვისთა.

სამს წელიწადს აგროვა მეფემ ძალნი თვისნი, აღიჭურვა იარაღითა და საჭურჭლითა მრავლითა, რომ ერთის დაკვრით განეფანტა ბნელეთის ძალნი.

მესამე წელსა, ოდეს მოახლოვდა დღე არჩევნისა, ასტყდა ქარიშხალი და ბნელეთის უამრავი ძალა მოაწყდა წყვდიად ქვეყანისა. წინად თუ ბნელია, ეხლა უკეთესი დგებოდა და ხალხი ხარმა და შიშმა აიტანა.

მაგრამ მეფე ვულს არ იტებდა. შეკრიბა ჯარი თვისი უამრავი, აასხა აბჯარ ხმალი, ფარ-შუბი დაჰფერა და... ბრძოლის ველზედ გაისტუმრა. თითონ შინ დარჩა... არავინ იცოდა რისთვისა — ეს მისი საიდუმლოება იყო მეფური...

ჯარი გმირულად იბრძოდა. სიბნელე თითქმის განფანტა, მაგრამ შინ რომ დაბრუნდა ელდა ეცა: მეფე რაინდის მაგიერ მწვენიე მაგიდასთან დაჩლიქ...

ტული გუდა ღ იღო... მხრებზედ ოქრომკედი, შუბლზედ აღმასი გახუნებოდა და როცა ხელი შეახეს — შიშის ხარმა წკარუნი დაიწყო, მეფე გირია, გმირია მეფე!

საქართველო.
საქართველო

ქ რ ო ნ ი კ ა.

სომეხი მოხალისენი. როგორც გაზ. „მშაქს“ იტყობინებენ, თბილისში რუმინიდან მოსულა სომეხ მოხალისეთა ჯგუფი 190 კაცამდე. მას ბიუროსთვის მიუმართნია, საომარ ველზე გაგზავნეფითო, მაგრამ პასუხად მიუღიათ, ამას უკვე საქიროება აღარ მოითხოვსო. ამის გამოისად ყველა მოხალისენი ფრიად უბერხულს მდგომარეობაში ჩაცვივნულან. ისინი ითხოვენ წველას, ან საომრად წაგვიყვანეთ, ან და სამშობლოში დაგვაბრუნეთო.

პარასკევს, 16 იანვარს, დეპუტატთა საკრებულოში გაიმართება საღამოს 7 საათზე ქართულ კულტურის მოყვარულთა საზოგადოების მორიგი საზოგადო კრება. რამდენიმე საორგანიზაციო საკითხის გარდა (საბჭოს ორი წევრის და ხაზინადრის არჩევა და სხვ.) გაიმართება საუბარი ქართულ მართლწერის შესახებ. მოწვეულნი არიან ქართულ ღრამატიკის მცოდნე პირნი.

ტფილისის ქართველ ქალთა საზოგადოების გამგეობა ამით აუწყებს თავის წევრთა და თანამგრძნობთ, რომ თანახმად მისის ბრწინვალეების, მეფის მოადგილის კანცელარიის ნებართვისა, იგი აწყობს მთელს ქალაქში ფულის შემოწირულებათა მოკრების კვირას საზოგადოების სახელით — დაჭრილ მეომართათვის წმიდა ნინოს ლაზარეთში რამდენიმე საწოლის მოსაწყობად.

ვისაც მსურს დახმარება გაუწიოს ტფ. ქ. ქალთა საზოგადოებას ფულის მოკრების საქმეში, კეთილ ინებონ და ამ თავითვე ჩაეწერნენ შემდეგ ადგილებში:

1. საზოგადოების თავმჯდომარის ამხანაგთან ოლიმპიადა მიქელაძესთან — მიხეილის პროსპექტი № 17.
2. გამგეობის წევრთან ოლთა აღლაძესთან — მიხეილის პრ. № 88 ბინა 3.
3. გამგეობის წევრთან ეკატერინე მაქავაიანთან — ოლთას ქუჩა № 26.

- 4. გამგეობის წევრთან ლიუბა ეგაძესთან — არაგვის ქ. № 8.
- 5. გამგ. წევრ. ნინო რცხილაძესთან — ყაზბეგის ქ. № 14.
- 6. გამგ. წევრ. ნინო დაფქვიაშვილთან — ყაზბეგის ქ. № 2.
- 7. გამგ. წევრ. ნინო ნეიშანთან — „საბ. ფურცლის“ რედაქცია.
- 8. გამგ. წევრ. სოფიო გოთუასთან — მთაწმინდის ქ. № 2.
- 9. საზოგადოების წევრ. ქნ კიკალეიშვილთან — ავლაბარი, კახეთის მოედანი, № 2.
- 10. გამგ. წევრ. ანნა მერკვილაძესთან - წილკანის ქ., ვერაზე, ოლღას ქუჩა, № 54 - შესასვლელი წილკანის ქუჩიდან.
- 11. ჟურნალ „კლდის“ რედაქციაში, გაბაანთ შესახვევი № 3.

ვანდერველდეს მეუღლე ამერიკაში. ბელგიის მინისტრ ვანდერველდეს მეუღლე ამერიკაში იმყოფება და ლექციებს კითხულობს გერმანელების მიერ ბელგიის დაპყრობის შემდეგ აღწარმებული ესწრება და ნივთბერძნულ მწიგნობრობებსა და თურმე ანგარიში არა აქვს. ლექციის შემოსავალი გადადებულია ბელგიელთა სასარგებლოდ. ჯერ-ჯერობით ფულად თითქმის ნახევარ მილიონს აღემატება. ნივთიერ შეწირულების მაგალითისთვის მართალია, რომ ქალაქ ბუფალოს წარმომადგენლებმა ქ-ნ ვანდერველდეს შესთავაზეს 10,000 ტომარა ფქვილით დატვირთული ხომალდი.

კახეთის რკინის გზა საბოლოოდ გადაწყვეტილია გაიხსნას 14 იანვარს და მიმოსვლა დაიწყება თბილისის სადგურიდან თელავამდე.

ავსტრიელთა ახალი კრეისერი. რომიდან დაბეჭდვით იუწყებიან, რომ ავსტრიელებმა უკვე დაამთავრეს ახალი კრეისერი „ნავარა“, რომელიც მოქმედ ფლოტს მიემართავს. ეს ამბავი მით არის საგულისხმიერო, რომ დღემდინ ავსტრიის ფლოტი ჩაკეტილი იყო ფრანგების მიერ და უმოქმედო იდგა. ეხლა კი მას შეძლება ეძლევა ადრიატიკის ზღვით სამარ ველზე გამოვიდეს და ხმელთა შუა ზღვაზე გასცურდეს. „ნავარა“, როგორც ერთი უსწრაფესი კრეისერთაგანი დიდს სამსახურს გაუწევს ავსტრიის ფლოტს. კრეისერი მძიმე ჯაფშნით არის შემორტყმული და იწყვის 3,500 ტონას.

ჰაერის ფლოტი ამოქმედდა. გერმანიის მუქარა ინგლისის დასაღუბად ეხლა ხუმრობად არ ითვლება. აქნობამდე თუ ზღვაზე წყალ ქვეშა გემებით მოქმედებდნენ, დღეს ჰაერის ფლოტში გრაფ ცეპელინის მეთაურობით ფრიად გაბედული ნაბიჯი გადასდგა და იერიში მიიტანა ინგლისის განაპირა ქალაქებზე, იარმუტსა, შერინჰამსა, კრომერსა, კინგსლეის და სანდრინჰემზე, სადაც ამჟამად ინგლისის მეფე იმყოფებოდა; ქალაქებს დიდი ზიანი მიაყენეს ნივთიერად, თუმც რაოდენობა ჯერ-ჯერობით გამოურკვეველია. არის ადამიანთა მსხვერპლიც. ფლოტი მშვიდობიანად დაბრუნდა თავის სადგურს.



პასუხად „კავკასკო სლოვოს“

„კავკ. სლოვო“ ეკამათება ჩვენს ჟურნალს და ივიწყებს სულ უბრალო ჭეშმარიტებას, რომ კამათი სიძარითლებედ და ლოდიკაზედ უნდა იყოს აგებული და არა მათ მოწინააღმდეგე ცნებებზედ.

სომხის ბურჟუაზიის ორგანოს ვერ წარმოუდგენია თუ როგორ შეიძლება ადამიანი გულჩვილად ეპყრობოდეს გაუბედურებულ გამოქცეულ სომხებს და იმავე დროს იფიქროს თავის საკუთარ ტერიტორიის, ერის და თავის დაცვაზედ. ამიტომ მას ეჭვი შეაქვს ჩვენს გულწრფელობაში და ირონიით იხსენიებს ჩვენს „ნაციონალიზტობას“ და „ობიექტივობას“*). სომხის ბურჟუა-ნაციონალიზტების ჩვეულებრივი ფანდია ესა და სულაც არ გვიკვირს ასეთი სწრაფი შეთვისება „კავკასიის ინტერნაციონალიური ორგანოსაგან“ (როგორც ითვისებენ საბედს) მათივე მეთოდებისა, ვინაიდან აღარავისათვის საიდუმლოს არ შეადგენს „კავკ. სლოვოს“ სულისკვეთება.

მანგრამ გადავიდეთ თავით საკამათო სკანჭედ თურმე ნუ იტყვიან, ჩვენ ვლადიატობთ ობიექტივო

* ბრჭყალები „კავკ. სლოვოს“.

ბას, როცა ვამბობთ, რომ სახელმწიფო ვალდებულია ჯერ თავის მკვიდრ მცხოვრებთ გაუმართოს ხელი და შემდეგ იზრუნოს უცხო სახელმწიფოდან გამოქცეულებზე. მაგალითად მოჰყავს გამოქცეული პოლონელები მოსკოვში და ნიშნის მოგებით გვეუბნება: „მაშ როგორ უნდა მოვექცეთ იმათ, ამ გერმანელების შემოსევისაგან გამოქცეულებსაო?“

ამას გულუბრყვილობათ ვერ ჩავთვლით, რადგან „კავკ. სლოვო“ გულუბრყვილობას სხვასაც უკივილებს და ამიტომ ასეთი აბრუნდი—სიყალბედ უნდა ჩავთვალოთ: **გამოქცეული პოლონელები—რუსეთის იმპერიის ქვეშევრდომნი არიან** და იმათ რომ **სახელმწიფომ მფარველობა გაუწიოს**—ეს მისი ვალი არის. სპარსეთიდან და ოსმალეთიდან გამოქცეულები კი უცხო სახელმწიფოს ქვეშევრდომნი არიან. ეს ერთი ძირითადი და უმთავრესი განსხვავება, რომელიც დაივიწყა „კავკ. სლოვომ“ და რომელსაც ჩვენ ხაზს უსვამდით ჩვენს ჟურნალში. განა თვით „კავკ. სლოვოს“ არ გაუკვირდებოდა, რომ პოლონელები გამოარბოდნენ გერმანიიდან და ავსტრიიდან რუსეთში, როცა რუსებიც კი (უკრაინელები) არ გამოარბოდნენ! ან არ გაუკვირდებოდა, თუ სახელმწიფო გაუწევდა დახმარებას? ჩვენ ძალიან ბევრი გვესმის და თანაგრძნობითაც ვეკიდებით იმას, რომ რუსეთის საზოგადოება დახმარებას უწევს პოლონელებს (რუსეთის ქვეშევრდომთ), მაგრამ ჩვენ ნაკლებ გვესმის ხმები ასეთ დახმარებაზედ მთავრობისაგან.

ძირითადი განსხვავება კი ამ ორ დახმარების შორის—მეტად დიდია: საზოგადოების დახმარება—დახმარებაა პუბლიკური, ადამიანური სიყვარულით გამოწვეული ადამიანისადმი და სხვა არაფერი, მაშინ როდესაც ვერც ერთი სახელმწიფოს მთავრობა ვერ იხელმძღვანელებს ადამიანური სიყვარულით და მატერიალურ დახმარებას გაუწევს ვისმე მხოლოდ პოლიტიკური მოსახრებით. აი სწორედ ამ პოლიტიკურ მოსახრებათა მავნებლობაზე მიუთითებდით ჩვენ და „კავკ. სლოვოს“ ტყუილად უნებებია ამის გადაფუჩჩება.

გარდა ამ ერთი უცნაური პარალელისა, რომელიც ვერაფრად გამოსადეგია, როგორც დავინახეთ, „კავკ. სლოვოსათვის“, მას მოჰყავს მეორეც: «დმოვსკი სწერს ვარშავის გაზეთში, რომ... ჩვენ გადავდეთ სხვა დროისათვის შინაგან საქმეების მო-

გვარება. ვინაიდან გვესმის რომ მტერზედ გამარჯვება ამ მომენტში—უფრო დიდი და აუცილებელი საქმეა» და ამასთან დასძენს **პ. ს.** „რომ „კლდე“ უნდა ჩაუფიქრდეს ამ სიტყვებს პოლონელი ნაციონალისტებისას, რომელთაგან **კაცოვსკი** უნდა იყოს ის წავლოსო.

ეს პარალელი უფრო მომაკვდინებელია „კავკ. სლოვოს“ პუბლიცისტებისათვის: სწორედ იმიტომ, რომ გამარჯვება დღეს უფრო დიდი და აუცილებელი საქმეა—მთელი ქართველი ჯანსაღი მანაკაობა ვაეკაცურად იბრძვის ბრძოლის ველზედ და „კავკ. სლოვოსთანა“ ფულიან გაზეთებისაგან არაფერი დაეყვედრება.

რაც შეეხება ამონაწერის მეორე ნაბეჭარს,—შინაური საქმეების შესახებ — „კავკ. სლოვოს“ პარალელი აქაც უნუგვეშოა: ჯერ ერთი საქართველოში, საუბედუროდ თუ საბედნიეროდ, არასოდეს არა ყოფილა ისეთი გამწვავება ქართველ სომეხთა ურთიერთობისა, როგორც პოლონელებრელებისა და მეორეც: დღევანდელ ომში პოლონელი ებრაელები ისევე დაზარალდნენ და გარბიან თავიანთ ქვეყნიდან, როგორც თვით პოლონელები, მაშინ როდესაც საქართველოს სომეხები არამც თუ არ დაზარალდნენ, პირიქით კეთდებიან და ახალ ძალას იძენენ გადმოსახლებულ სომეხთა სახით. ჩვენ არ ვიცით, რა შევითვისოთ „კავკ. სლოვოს“ რჩევით პოლონელებისაგან: სიძულვილი სომეხებისადმი, როგორც პოლონელებს სძულთ ებრაელები, თუ ის შეხედულება „შინაურ საქმეებზედ“, რომელიც მართო მაშინ იქნებოდა ჩვენთან შესადარებელი, როდესაც გალიციიდან და პოზნანიდან გამოქცეულებრელებზედ ექნებოდათ ლაპარაკი პოლონელებს.

პარალელი „კავკ. სლოვოს“ უფერულ წერილიდან მხოლოდ ერთია სინამდვილესთან დაახლოებული, რომ პოლონელ-ებრაელთა და სომეხ-ქართველთა ურთი-ერთობა **საზოგადოთ** დიდ მსგავსებას წარმოადგენს, განსხვავება მხოლოდ ერთია: ებრაელებს მხოლოდ ეკონომიური ინტერესები აქვთ პოლონეთში და სომეხები კი პოლიტიკურ ინტერესებსაც ეძებენ საქართველოში.

ამაზედ შემდეგ.

ქართული ეროვნული ჩაცმულობა

(ქართულ დრუჟინას გამომცემი*)



ქართული
ეროვნული
ჩაცმულობა

5) ქუდი ტყავისა, მაღალი, ძაბრის ნაირი, წვეროზე წათლილი და შიგ წვეტათ ფერადი ხავერდის ყალბამ ამოშვერილი, წოდებული, ბუბრის ქულათ, ან წიწაკა ქუდი.

თავდახანაურობა და მდიდარი მოქალაქენი ძვირფას კალმუხისას ხმარობდნენ, ხოლო ღარიბი მოქალაქენი და გლეხობა უბრალო ბატკნისას, ფერი მარტო შავი. ხმარების მანერაშიც განსხვავება იყო: გლეხობა და მოქალაქენი რომ ქუდს მარტივად ზეხეურად აწეულს ხმარობდნენ, თავად-აზნაურობა-კი გვერდზე ჩაკეცილს, ამის გარდა გლეხობა შერე სარკველივით რგვალს ქუდს ხმარობდა სახელად „განიბარდი“. ხმარებაში იყო აგრედვე ხვესურული ქუდი: რგვალი ტყავისა ბანჯგვლიანი და ძირი ფერადი მაუდისა. მთაში ხმარობდნენ და ახლაც ხმარობენ უბრალო მეცხვარულ ქუდს, ხოლო ახლანდელ საყოველთაო თუშურ ნაბდის ქუდს არაფინ ხმარობდა, ბავშვებიც კი. და მისი შემოღებისა და გავრცელების ამბავს ქვევით ვიტყვი.

6) ხამთარში, კაბის ქვეშ, მასზე მოკლე და ახალუხზე გძელი, ქულაჯა: შალისა, მაუდისა, ხავერდისა, ქირმანიშალისა, ბუზმენტ ან ბეწვ შემოვლებული. სახელოები მოკლე, გაწყობილი იდაყვ ცოტა ქვევით.

7) ხამთარშივე: დოშლუყი, ბამბით დალიანდაგებული სათბური გულისა პირი. იხმარებოდა გარედ და სამგზავროდ.

8) გზაში და სიცივეში, ყელზე მოიხვევდნენ აბრეშუმის ფერადს, სახიანს ხელსახოცს ჩათმერდინად წოდებული.

9) ქამარი ქართული, ღილებ აწყობილი, არც ძალიან განიერი, არც წვრილი, ან სარტყელი.

10) ხმალი ქართულ-აზიური და არა ლეკურ-კავკასიური, ხოლო სპარსები და მეტადრე არაბთურქები ნამეტან მოკაყვილს ხმარობდნენ, ხოლო ქართველები ზომიერად მოხრილს, გორდას ან ხორასანს, მთაში კიდევ „ფრანგულს“.

11) ხანჯალი, არც ისე დიდი როგორც ლეკების და არც ისე წვრილი და სუსტი როგორც

ბოლოს შემოიღეს, არამედ საშუალო სიგძის პტყელი პირისა და სრული ტარისა.

12) ნაბადი, მოკლე და გძელ ბეწვიანი, ტყავი და ტყაპუჭი.

ზემოდ ჩამოთვლილი ნაწილები ეროვნულ ტანთ-საცმელისა, შეადგენდნენ იმ ჩაცმულობას, რომელსაც ჩვენი წინაპრები საყოველთაოდ ხმარობდნენ XVIII და XIX საუკუნის ნახევრამდე.

თუმცა საქართველომ პოლიტიკური თავისუფლება მეცხრამეტე საუკუნის დამდეგს დაკარგა, ამისდამიუხედავათ ეროვნული ელფერი იქამდე შერჩა, ვიდრე ძველი, საუკუნოებრივი სოციალური წყობილება ჩვენი ქვეყნისა არ დაირღვა 1864 წლის დიდებული აქტით.

ამ აქტმა ძირამდე შეარყია საზოგადოებრივი წყობილება. მუქთა შრომას მოკლებულა თავად-აზნაურობა გაღარიბდა. ძვირფას ქართულ ჩაცმისთვის წელი აღარ მოსდევდა, და იწყო ნელი-ნელი იაფ ჩერქეზულ ჩოხის შემოღება. მაგრამ, რასაკვირველია, არა უცბად. ყველაზე უწინ იგი გამოეთხოვა მაუდის ყურთმაჯიან კაბას და შეაკერვინა ისევ ქართულ ფასონზე, ჩვეულებრივი სახელოიანი შალის ჩოხა. კაბა რომ 40—70 მანათამდე უჯდებოდა, ჩერქეზული 15—30 მანათამდე. შემდეგ მოკლე ჩოხა დაადგელეს და გაუკეთეს მასრები, ეს პროცესი დააჩქარა მრავლად შემოსულმა ამერეთში იმერლობამ, რომელმაც უფრო ადრე შემოიღო ჩერქეზული ჩაცმულობა. იგივე ბედი ეწვია ყარაბაღულ ჩექმებს. ჩოხის შემდეგ ძვირფასმა ქართულმა ბუბრის ქუდმაც დაუთმო ადგილი უფრო იაფ ჩერქეზულს ფაფახს, თუმცა დღესაც ათასში ერთს მოხუცს შეხვდებით, რომ ეხუროს ვაჟკაცურად გვერდზე ჩატეხილი ქართული ქუდი, ალბად მამის ნაქონი. ახალუხმა ყველაზე დიდხანს გაუძლო მეტოქეობა ჩერქეზულს, და დღეს გლეხობაში იგი თითქმის სავსებით არის დაცული, რასაკვირველია უკანონოდ. ზევითაც მქონდა მოხსენებული რომ გლეხობამ კინტოების გავლენით თვისი ქართული ჩოხა დაამახინჯა: წელი (ტალია) ბეჭებზე აიტამა და დღეს მაგასაც თავი დაანება. ახლა საინტერესოა გავიგოთ საიდან გახდა ქართულ-აზიური ჩაცმულობის აუცი-

*) იხ. „კლდე“ № 40 1915 წ.

ღებელ ატრიბუტათ თუშური ნაბდის ქუდი და რუ-
კული შინელი, ერთის მხრივ, ხალხს წითელ-ყვი-
თელი ქულაჯა შეორეს მხრივ. ის ქულაჯა რომელ-
საც ხაბთარში კაბის ქვეშ სათბურად იცვამდნენ,
რასაც ამოწმებს მისი ბეჭ-შემოვლენა.

1831 წლიდან რუსულმა დაღისტანის სისტემა-
ტიური პოლიცია დაუწყეს: ჩრდილოეთიდან რომ
რუსის ჯარი აწვებოდა, საზღვრებიდან გააბეს ეგრეთ
წოდებული „ლეკის კორდონი“ თუშეთიდან ზაქა-
თადადე. ამ ლეკის „კორდონზე“, ქართული მო-
რივე ჯარი მსახურობდა, რადგანაც ეს მორივეობა
და ძალიანად ჯარის შედგენილობის შეცვლა ხელს
უშლიდა ჯარის კაცთა სათანადო გაწოვას, აგ-
რეთვე ის გარემოება, რომ მორივე გლეხები ხოცი
ვერ იყო რიგინად ჩაცმული, ხოცს კიდევ იარაღი
არ უვარგოდა—მთავრობამ გადასწყვიტა ხალხს ჯა-
რის ბეგაობა ახსნას და სამაგიეროდ დააარსა მოხა-
ლისეთაგან ქართული ქვეითი დოუჟინა (Первая
пешая грузинская дружина—Джар), რომელიც
შესდგებოდა მოხეტეებულად კახელებისა, თუშებისა
და იმერლებისაგან. ეს მოხალისენი მოაწყეს პოლი-
კის წესზე: მისცეს სახაზინო იარაღი და ჩაცმულობა.
და იმ აქ დაიწყო შეხამება სახაზინო ინტერესის.—
რაც შეიძლება იაფად, და ქართულ ეროვნულ ტა-
ხისამოსისა: ჩააცვეს ჩოხა, რომლის ქართულობა
შხალოდ მისი სიმკვლე თუ იყო და არ ვიცით რა
მოხაზრებისა დაარქვეს მას ქულაჯა.

შარვალი, პაიჯ-ქალამახი და საცვეთები იგივე
დასტოვეს. ჯერი მიდგა ქუდზე: ქართული ბუბრის
ქუდი, რაც გინდა იაფი მასალისაგან გაკეთდეს, ორ
სამ მანათ ხაკლებ არ დაჯდებოდა და ხაფხულშიაც
მძიმე სატარებელი იყო, ამ დროს-კი იქვე ძუღვ
თუშების ნაბდის ქუდები ჯდებოდა რაღაც ორ
შაურად. თქმა არ უნდა რომ თუშური ნაბდის ქუ-
დი შემოღებულ იქნა ახლად დაარსებულ დოუჟი-
ნაში და გამოცხადებულ იქნა სოულისათ ქართველ-
თა ეროვნულ დასაბურად. ნაბდის მაგივრადაც, მი-
სის სიძვირისა და უხერხულობისა გამო, შემოიღეს
„შინელი“.

თუშური ნაბდის ქუდი და რუსული შინელი
დოუჟინიდან ხალხში გავრცელდა და თავის დე-
მოკრატიზმის წყალობით გადალახა საზღვარი ქართლ-
კახეთისა, დასაფრთხილ რაქაში და საზღვრით ერევ-
ნის გუბერნიის სომხებში.

ხოლო იმ დროის მოდის შემქმნელ კინტოე-
ბის წყალობით თუშური ქუდიც დამახინჯდა: იგი
ძანდათან იქამდე შეაპატარავეს, რომ კინკრიბოზე

რაღაც სასწაულით დამაგრებულს, კაცი მას ძლიერ
ამჩნევს და ჰგონია რომ მისი პატრონი უქუდოთ
დაიარება. რაზან თუშური ქუდი ნორმალურ კაცის
თავის ზომას მაგიერ ერთ ბუქსა ვადიქვა—„ბრი-
ჩოსკაც“ უნდა გამოცვლილენოდა—უკერდზე გა-
დაბარცხნისა და გარს რგვლს მუქი მუქის მაგიერ
—წინ უხარმახარ ქოჩრის გაშვება დასჭირდათ,
რადგან კინკრიბოზე რომ ვითომდა ქუდი ხურავთ
წინ მხისა და სიცივისაგან ქოჩორმა მაინც უნდა
დაიფაროს. ამ ისტორია ახლანდელის ნაბდის ქუ-
დისა.

განვიხილოთ ახლა, თუ ქვეშიდან ხაბთარში
ჩასაცხელი სათბური-ქულაჯა როგორ გამოცხადდა
ოფიციალ-ეროვნულ საცმელად.

1856 წ. იმპერატორ ალექსანდრე მეორემ თეი-
სი ამაღლის (КОНВАН) ნახევარი, სახელდობრ—ერთი
ესკადრონი ანუ ოთხი „ვზოდი“ შეადგინა კავკა-
სიელთაგან: ერთი ქართველ წარჩინებულთაგან,
მეორე წარჩინებულ მთიელთაგან (ჩერქეზი, ჩაჩანი,
ოსი) მესამე წარჩინებულ ლეკთაგან და მეოთხე
ვზოდი თათრების ხახებისა და ბეგებისაგან 1831 წ.
კავკასიელთა ესკადრონი გააუქმეს რადგან ძლიერ
ძვირად ჯდებოდა და დღევანდლამდე მარტო კახა-
კებისაგან შესდგება.

აღსანიშნავია ის რომ: მთიელები რომ ჩერ-
ქეზულად იყვნენ გამოწყობილნი ამ „კანვოღში“,
თათრები და ლეკები ქართულ კაბებში გამოეწყვნენ.
ეს ადვილი გასაგებია, რადგან თათრები და ლეკები
საქართველოს დიდ კულტურულ გავლენის ქვეშ
იყვნენ, მეტადრე ის პროვინციები, რომელთაც მე-
ფის კართან რაიმე დამოკიდებულობა ჰქონდათ
(ერევნისა და განჯის სახანოები, ბორჩალო, ყაზან-
შამშადილი, ქარ-ბელაქნისა და დიდო-აწუბის ლე-
კები და სხვა, იმ დროის თათრებსა და ლეკებში,
რომელნიც ძრავლად შეთვის კარზე მსახურებდნენ
ყოველივე ქართული, განათლებისა და კულტურის
ნიშნად იყო მიღებული: ეს გავლენა გაგრძელდა
მეცხრამეტე საუკუნის ოთხმოციან წლებამდე. ამ
დრომდე კავკასიის ადმინისტრაცია მთლად ქართვე-
ლების ხელში იყო, და ამის გამო ამ ხალხებშიაც
კიდევ პატივი და გავლენა ჰქონდათ, თბილისში ნამ-
ყოფი შუშელი ან ერევნელი სომხის ქალი, ქართუ-
ლად თავს დაიხურავდა და ასეთს ქალს პატივისცე-
ნით ეძახდნენ „ქალგვი“—ქალაქში ნამყოფი. რა
თქმა უნდა საქართველოს ქალაქების მოქალაქენი
(თბილისისა, თელავისა, გორისა და ცხინვალისა)
ეროვნების განურჩევლად თათრები, სომხები და

ურიები, ყველანი ქართულ ყურთმაჯიან კაბაში იყვნენ ჩაცმულნი.

მაშინ, როგორც ახლა პეტროგრადში, არსებობდა ერთგვარი სამხედრო კომისია, რომლის დანიშნულება — ჯარისათვის ახალ-ახალი ფორმისა, ნიშნებისა და ფერების გამოგონება იყო. ეს კომისია სავსებით ვერ დაკმაყოფილდა კავკასიელთა მეტად ორიგინალურ და ვაჟკაცურ ჩაცმულობით; მისის აზრით კავკასიელთა ესკადრონი, რომლის დანიშნულება იყო ევროპიელთა თვალის მოჭრა, მეტად თაღბად იყო მორთული, და ამ ბევრი თათბირის შემდეგ დაადგინეს „პარადებზე“ კაბები და ხადონ და ფერად ქულაჯების ამარა გაუშვეს, რაიც ჩვენმა ახალგაზრდებმა სიხარულით მიიღეს იქაურ მშვენიერთა გულის ასატოკად. ამ გვარად ქულაჯა პირველად გამოცხადდა ზედა ჩასაცმელად. რასაც ჩვენი ახალგაზრდობა იქ შინ ვერ გაბედავდა, იქ შორს გაბედეს და ბჭყვრიალა სათბურის ამარა დაიწყეს გარედ და პარადებზე სიარული.

1871 წ. რომ იმპერატორი მობრძანდა საქართველოში, მის დასახვედრად „პაჩოტნი კარაულში“ რასაკვირველია ისევ თვალის მოსაქრელად ქულაჯებით მოირთენ და პეტერბურგის სამხედრო კომისიის ფანტაზიის ნაყოფი დამტკიცდა ქართულ ეროვნულ კოსტუმად. ამ კოსტუმის პოპულიარიზაცია თავს იღვეს ქართული ენისა და ისტორიის ამ მკოდნე ჩვენმა არტისტებმა, მომღერალთა გუნდებმა, შემდეგმა „პაჩოტნი კარაულებმა“ და სხვა ამ გვარმა ხელოვნურმა საზოგადოებებმა. მათ მიბადეს მათსავით ქართულის მკოდნე წიგნის გამოცემლებმა, რომელნიც თვის ილიუსტრაციებში ქართველს ან ქულაჯითა ხატავდნენ ან ჩერქესულად, მხოლოდ გოგებაშვილის „იავ ნანა“-ში და ქართველ ქალთა მიერ გამოცემულ ზღაპრების მეორე წიგნში არიან ქართველები ან გმირები გამოსახულნი თავის ნამდვილ ისტორიულ ქართულ ჩაცმულობაში. ეს იმით აიხსნება რომ ხემახსენებელი წიგნები იმ დროს დაიბეჭდნენ, როცა თვით ცხოვრებაში ჯერ კიდევ სჭარბობდა ქართული ჩაცმა და არა ჩერქესულ ქულაჯური. როგორც ნიმუში ქართული ჩაცმულობისა იხილე ქართულ მუზეუმში სურათი № 44 — ნინიკა ჯანდიურისა, № 61 — კონა ერისთავისა, № 358 — კაპწია მოქალაქისა, № 76 — ია-

ვანგულის საზანდრის გუნდი და როგორც ტიპი უწინდელ მოქალაქის და საკუთრივ მოქალაქე ურის — ქანდაკება ხადაროვიჩისა „ცხინვალელი ურია“.

ვინმე სოფელი.
ქართული
მეცნიერება

მეჭკრეების გასაჭირი.

საზოგადოებას მოეხსენება თუ როგორ გაძვირდა ფქვილი ქალაქში, მაგრამ ბევრმა ამის ნამდვილი მიზეზი არ იცის. დღეს ყველაფერი გაძვირდა და როდესაც იკითხავთ მიზეზს, მაშინვე გეტყვიან — ომის ბრალი არისო. მაგრამ ომი თუ კაპეივობით აძვირებს საქონელს, ვაჭრები ერთი ათად სარგებლობენ ამ გაძვირებით და თავისი მხრით 100 და 200 % უმატებენ. ესეთი თავშეუკავებელი ექსპლუაზაცია მომხმარებლისა ყოველთვის მოხდება ხოლმე, როდესაც კი ცხოვრებას როგორიმე განსაცდელი მოგლის. ესე იყო 1905 — 6 წლებში, ასევე ეხლა, ასევე ყველა სხვა ქვეყნებშიაც, რადგან ვაჭრული ფსიხოლოგია ყველგან ერთნაირია, რადგან მათი გაუმადლობა ყველასაგან ცნობილია. ამ სწორედ ამ გაუმადლობის ასაღმავად არსებობენ სხვა და სხვა საადმინისტრაციო და საზოგადო დაწესებულებანი, რომელნიც ვალდებულნი არიან სათანადო ზომები მიიღონ. ამ მაგალითად მეპურეების გასაჭირს ის შეადგენს რომ მსხვილი მოვაჭრენი ფქვილით, სარგებლობენ დროებით გზის შეფერხებით და უღმერთოდა სწევენ ფქვილის ფასსა. რომარა ფქვილზედ დღეს 2 — 3 და 4 მანეთსაც უმატებენ და ვაგონებით რომ ჩამოაქვთ პირდაპირ სადგურზედვე 300 400 და 500 მანეთს ზედმეტს ახდევინებენ მყიდველებს. მყიდველები რალა თქმა უნდა იძულებულნი არიან დაემორჩილონ ამ კარცვაგლეჯას, ვინაიდან თბილისში ფქვილი ძნელი საშოვნელი გახდა. ჩვენ მივატყვევთ უურადლებას ვისაც ჯერ არს ამ ფრიად მნიშვნელოვან საკითხს, რადგან ასეთს უმართებულებას შეიძლება ისედაც გამწვავებული მდგომარეობა — ზედ მეტად გაამწვავოს და პური უფრო გააძვიროს; რისაგანაც უმთავრესად იზარალებს მღაბით ხალხი, პირველი მომხმარებელი პურისა, სასურველია მეორე მხრით რომ თვით მეპურეებმა მოახერხონ პირდაპირ ფქვილის გამოწერა რუსეთიდან და ამას, ვგონებთ, დახმარებას გაუწევს ყველი დაწესებულება ესეთი ამხანა-

გობა, საზოგადოება, თუ სხვა რამ დაწესებულება დიდათ შეუწყობდა ხელს პურის ბაზრის მოგვარებას და რეგულიატორის როლს ითამაშებდა. რამდენადაც ვიცით, ასეთი ამხანაგობის ჩანასახი უკვე არსებობს და ყველა დაწესებულება მოვალეა ხელი გაუბართოს კეთილ დაწყებაში.

X.

ძველი თქმულება.

არაინ იცის, როდის მოხდა; ძლიან დიდხნის ამბავი უნდა იყოს.

ერთ თვანს ქალი დაებადა: ვინც კი ხახა, ყველამ ისა სთქვა: ქვეყნის მასათობელი იქნება.

ასეც მოხდა.

ქალი წამოიზარდა და ისე გაღამაზდა, რომ სახელად „მზის“ დაუძახეს.

როდესაც მზისა იცინოდა, შირიდან ის და ვარდი სცვიოდა, როცა მზისა გარკვე გამოდიოდა, მთელი ბუნება სიხარულით ეგებებოდა: ხეები აღერსიანათ თავს უქნევდნენ და ჩრდილში იწვევდნენ, ყვავილები მორცხვად უღიმოდნენ და გუნდრუკს უკმეუდნენ, მწვანე ბაღახი სიამოვნებით ფუნთ ეგებოდა და სუბუქი სილა თავს ეგლებოდა, გაათურებულად ღამი სტხრებოდა და კაბის კალთაზე კმაყოფილებით ტოტსა სცემდა.

ვინც მზისას ქუდავდა, თავის თავს ბედნიერად სთვლიდა და შეჭნატროდა; ცდილობდა ქალის გული მოეგო და მიესაკუთრებინა. მაგრამ სულ ამათ: მზისას გულში ყველასათვის ადვილი ქქინდა, არაფის არჩევდა, ყველას ერთხანით ახარებდა.

ხალხს მზისას მითვისების სურვილი გაუძლიერდა და ცდილობს შეეჭნა. ამას გამო უფალი გარისხდა და ქალი ქვეყნას მოაშორა. ერთ ადგილას ძლიან, ძლიან მადლი, შავი მიუვალი სული კლდე აღმართა, ისეთი მადლი, რომ ადამიანის თვალი ძლივსა სწვდებოდა, ზედ მარმარილოს კოშკი ააკო და მზისა მიჯ ჩასუა. ხალხმა წამოაგლო წერაქვს ხელი და კლდეს ცემა დაუწყო, უნდა და დაეგრიან, მაგრამ ვერას განდა. კლდემ წერაქვი არ მიიკრა. — მზისა კაშკაიდან ყველაფერს ამას ქუდავდა და თვალებიდან კუკური ცრემლი სდიოდა: ხალხი ქანებოდა, მაგრამ უფალს ურჩობას ვერ უწევდა და კოშკიდან არ ხამდიოდა. ქალის ცრემლი ხან მარგალიტად კვიდებოდა შავ კლდეზე, ხან კლდის ძირას ეცემოდა და

და თეთრ ყვავილად იშლებოდა. ხალხი ცდილობდა მარგალიტების ჩამოგლეჯას, მაგრამ შავი კლდე ხელეს უსურავდა, ხალხი ცდილობდა ყვავილების მოწყვეტას, მაგრამ ყვავილებს გარშემო ხარკალი ევლებოდა და უკლას ხელებს უგზავდა.

ქართული

საქართველო

ხალხმა დაინახა თავის შეცდომა, მაგრამ გვიანდა იყო: ველარაფური ეშველებოდა.

გვიან ცოტა დრომ, შავი კლდის გარშემო უღრიანი ტყე გაჩნდა და მთლად დამალა მზისა თავის კოშკიანათ.

ხალხი ძლიან დიდობდა. ბევრმა ვერ მოითმინა, ატირდა და ცხარე ცრემლით შეისუბუქა დარდი, ზოგმა საკმარო საქმეებს გააფლავა გული, ზოგმა ქნარა აყდერა და იმაში ხახა შეუბა: როცა კი სევდა მოაწვებოდა, ცრემლის მაგიერ სევდიან ამბებს აფრქვევდა. იმან კი, ვისაც ვერც ტირილი შეუძლო, ვერც ვშირობა, ვერც ქნარის აყდერება ბოლმისგან თავი მოიკლა.

ჩვენ დროში როცა გაცს გულზე ღოდოვით გამოურკვეველი სევდა მოაწვება ხალხმე, ეს — თურმე მზისას დანდობს და მამინ ან ტირას, ან საკმარო საქმეებს იღებს, ან ქნარს აყდერებს, ან კიდევ თუ ვერც ერთი ვერ შეუძლიან, თავს იკლავს.

ინ-ბანი.

„ქალი გრძნეული“ ა. მანშიაშვილისა.

ქართულ კლდის დარბაზში 4 იან. ქართ. დრ. საზ. მიერ გამართული იქმნა სალიტერატურო დილა, რომელზედაც ჩვენმა ახალგაზდა მკონახმა ა. მანშიაშვილმა თავისი ახალი დრამატული მოკმა წაიკითხა „ქალი გრძნეული“. მოკმის შინაარსი შემდეგია: ცხრა მთის იქით სტხოვრობს „ქალი გრძნეული“, რომლის სიღამაზის ხმა შორს გასულია. ყველას სურს მისი ხელში ჩაგდება, მაგრამ თანავ მოკრება საჭირო, რომ ქალის ხილვამ და ერთმა კოცნამ მოსული მოკვლას. მისი მშვენიების ამბავი იდუმალის ხმით შეესმის მკონახს ჩიგოს. მოხალეობული კეკლეონი სანახაობით თავგამოდებით იგი ვადანწყვეტს მას დასაკუთრებას. ამ ამბავს იგი შეატუბინებს ძმებს, გშიროს და ბრძენოს. ესენი უძლიან წასვდას, მაგრამ ქნარს გარდაწვეტილება გადაჭრიათ. სამხივ მადანს

გრძნეული ქალის დასაშურებად. ჯვარედინ გზაზე ერთ-
მხეთს დაშორდებიან იმ პირობით, რომ შემდეგ ერთ-
ერთის ამბავი ამ ადგილზევე შეტეობიან. ჰინგა პირ-
ველი მიაგნებს ბრძლის კაშკას. ძნელ, გრძნეული ქალი,
მიიღებს მას, მოაჯადოებს და პირველ კონტრაქტზე შეს-
მის „სიკვდილის მუსიკას“, ამ ხმებით მიბნედილი ჰინ-
გა ჰგრძნობს საშინელებას, მაგრამ მისთვის სიკვდილი
მაინც ტკბილია, რადგან ეს ხდება მისი „სატრეიალო“
საგნისთვის. შემდეგ მოდის გვირო. სუღმიბრძავ ძმის
დანიხვავზე წააშენს ააუში, მაგრამ გრძნეულ არა თუ და-
შეშინებს მას, პირიქით, ძმისაგ კი მოაკვლევინებს,
როგორც მის მეტრატეს. შემდეგ ჯალღათ აღუჩნს აუთუხებს
და იმავე „სიკვდილის მუსიკას“ შესმის, რითაც ჰინგას
ბედი იქმნა გადაწყვეტილია. გვირო კვდება. შემდგომ შე-
სამე ძმა, ბრძენა. აქ იმართება ბრძოლა გონებისა და
ფსიქისა. ერთხანად ვიხვება იმარჯვებს, აკურ ბრძენა მოი-
ხიბლა, ესეც მხად არა დაეკონოს და სიკვდილზე ხელი
მოაწერას, მაგრამ ქალთან მახლავდება და გრძნეულ ტუ-
ჩების დანიხვა მას გაახსენებს დახტული ძმებს, წუველა
და კრულვით მოაწვევს ქალს და გაქმარდება. დამარ-
ცხებული ძნელ იმით იხუტებს თავს, რომ „წახველ,
მაგრამ ისევე მოხვალთ, როგორც დღემდე მოდიოდნენ
ხემახანა“.

ასეთი ფერადებითაა გადმოცემული ჩვენი შკოლის
ახალი ზოქმა, რომლის კვლევაც ფორმის ერთგვარი ჩრდი-
ლი მიაყენა თვით ავტორმა გაბმული და ფრად მონო-
ტონური კითხვით. წაკითხვის შემდგომ ი. გედევანაშვი-
ლის თუ შკდომარელობით გაამართა ბასი ზოქმის ავტორ-
ტიანობაზე. პირველად ბ-ს ჯაჯანაშვილმა აიღო სიტყვა
და სხვათა შორის ის აზრი გამოსთქვა, რომ ზოქმას
სქესთა დამოუკიდებლობის განუყოფელი პირობების გა-
დაწვევით აკლიათ. თვით ძნელ, მისი აზრით, უბრალო
შეძავი ქალია და მეტი არაფერი. მასსადაც, ბრძენას
გამარჯვება მასე ეს მინიატურულ ფორმაში ჩამოყალიბე-
ბაა ფრად დიდმნიშვნელოვანა პირობებისა და ავტორიც
მიზანს მიტომ ვერ აღწევს.

დ. კასრატემ მოკლედ ის შეხიზნა, რომ ზოქმის
ავტორმა ეს დიდი პირობება „სქესის განთავისუფლე-
ბისა“, რომელიც თამამი სახით წამოაყენა თვის წინ-
დელ ზოქმაში „შედეგ და მშვენიერი ელენე“, მეტად
მღარე სახით განმარტა დღეს, უღალატა ერთხელვე აღე-
ბულ ადღას და ჩვეულებრივ მორალის წინ „წამოიხი-
ქა“.

ე. ახლანდამ სიტუაციის განვითარება ვერ მოასწრო,
რომ თავჯდომარის შენიშვნისათვის ტრიაუნა მიატოვა.
საინტერესო სიტუაციის წარმოქმნა გრ. თობაქიქემ,

მაგრამ იგი უფრო საინტერესო იქმნებოდა, რომ მთელი
ცხრა შეათედი ელღინთა დიტერატურის ვარჩევის ხაფ-
დად უფრო მანშააშვილის ზოქმაზე დაქსარჯა საზოგა-
დად დამაზი და შინაარსთან შეწანილი ფორმით მისი
სიტუა ბერად კვლევტი გამოხნდა ^{ეროვნული} ზოქმა-
ზე. მისი აზრით, ყაყურ ვხერვის არ ძალუძს უკვდავ
ქალღმერთის სურვილის და მის ვნების დაკმაყოფილება,
ამიტომაც ქალი მამაკაცების დამღუბველია. შ — შვილის ზოქმა
სურტიო ტუხნიკურად, მისი ფაბულა ვერ არის იმმანენ-
ტური თანდათანობით განვითარებული, რაც თუ სქესის
პრობლემას განვითარებული. იგი სახტოვად ეპურება შკო-
ლის და აღნიშნავს, რომ „მანშააშვილი ძლიერია მამან,
როდესაც ელღინთა მიერ უკვე განვითარებულ მასდას
ქება, ხოლო ფრად უძლური, როდესაც საკუთარ ფან-
ტაზიის“ და შემოქმედების სფეროში რჩება.

მ. წულუკიძემ მიუთითა მანშააშვილის შემოქმედე-
ბის „მოდერ“ იდეების ხასიათს, მაიწანა თვით ზომ-
შია ფორმა.

მ. შარვაშიძემ აღნიშნა ზოქმის სილამაზე, მისი
შხატურული დამუშავება, თღონდ უმთავრეს მოქმედ პი-
ში — ძნელში იგი ქხედავს რასკაშს, ვნებით შეპურობილ
ფინიან ქალს.

უკანასკნელად ილაშრავა ს. დადიანი. მისი აზრით
სქესის პრობლემა უკვე ვარჩეულია და დარვინიზმის თა-
ხანმად მეცნიერულად გადაჭრილია. თუ ამ პრობლემას
კვდავ პრობლემად ვხადით, მხოლოდ იმიტომ, რომ სო-
ციალურ წესწობილობების პირობებია მიზეზი და მას-
თან ზოქმ-შხატურების ფანტაზიის დაუდგრამლობა.

საუბრის დასასრულს თავიჯდომარე ი. გედევანა-
შვილმა მადლობა გადაუხადა როგორც დამსწრე საზოგა-
დადებს, ისე დილის მომიზეზე ა. მანშააშვილს...

დიო. ენი.

რედაქტორ-გამომცემელი

რ. გაბაშვილი.

მედიკალიზაცია

საქონლის

მედიკალიზაცია

1915 წ.

საქონლის მედიკალიზაცია

ეკონომიკურ და სალიტ. ჟურნალ

საქონლის მედიკალიზაცია

„საქონლის მედიკალიზაცია“

საქონლის მედიკალიზაცია

წლიური ფასი ხუთი მან., ექვსი თვით სამი მან.

ცალკე ნომერი ორი შაურნი.

ეკონომიკური საზოგადოებრივი საზოგადოებრივი, სახეცნიერო და სალიტერატურო გაზეთი

„საქონლის მედიკალიზაცია“

მედიკალიზაცია საქონლის მედიკალიზაცია 1915 წლისათვის. გაზეთი ღირს 1 წლით—2 მან. 50 კაპ., ნახევარი წლით—1 მან. 25 კაპ., ერთი თვით 25 კაპ. საზღვარგარეთ ორჯერ მეტი. კანტარის და რედაქციის ადრესი: თიფლისი, ტიპოგრაფია „სორაპან“ და „შადრეანი“. ფული უნდა გამოიგზავნოს შემდეგი ადრესით: თიფლისი, ტიპოგრაფია „სორაპან“ ალექსანდრე გ. მუმლადე.

ეკონომიკური-საზოგადოებრივი სტამბა არ. შ. კუჭუჭელიძისა, გაბაევის შესახვევი № 1.

